

## Filemoon rai Faborohacha letoai

### *Acauru coaucane biha Faborone*

<sup>1</sup> Canune Faboroneein Jesocurisito coreniha caresero cuhane neein cana nejera Timoteeo aina, ii canacaanu amihaneoo que canacaanu coroatajaneraneein neeine rai, caa quiricha laenaain letoaacaanura Filemoon. <sup>2</sup> Chaen Jesocurisito ranojoneein iclesianein nenacaauru-ii loreri asaae ii aina netaojianacaauru, chaen canacaanu amihaneoo que canacaanu coroatajaneraneein nenacaauru- cana nejera ene neein nena- Apia aina Arquipo, naaonjoainuri rai netonaine caa laenaain letoaacaanu. <sup>3</sup> Cana Inaca Cana Coaunera, rai Calaohi Jesocurisito, naaonjoainuri jeelai amuritoeriin inara coroatajanecurumiinte raotojoein neeiche.

### *Coichana aina cutaain belaina inaain esenetaain niha Filemoonne*

<sup>4</sup> Cana Coaunera bajaanune naineeine, itolere bana ii coacuhin Cana Coaunera coroajeeun, <sup>5</sup> Cana Curuaanaa Jesocurisito belaaain jataain esenetaaine rijjijeein satiin Cana Coaunera cachanein nenacaauru belaaaine beeuruhane jaun. <sup>6</sup> Nii jaunne ii canacaanu rijjijeein aacha esenetaain neeine jaun, jataain canacaanu rai caohacha icharaneein, canacaanu coroatajaneraneein niha Jesocurisitone coitucuhin neeine coina, Cana Coaunera bajaanun ii rai. <sup>7</sup> Jataaina jeelai amuritoheriin

corajeiin rachoojoeun casuujua cuhane. Jataainte caohacha ichaai canejera, Jesocurisito esenetaeraneein nenacaauru belaaïn, acaauru suujua nunaaine jaun.

*Atiin canu coreniha ii letono Onesimo raau.*

<sup>8</sup> Canu Jesocurisito rai afosoto nichaaunne jaunte niq̄ui ne canu rai rauhi, iicha chanenu ichaaine coina ii letoaanune coina. <sup>9</sup> Nena raujiaain nii canaacha belaaïneein canaacha esenetai coreniha ichei aitoreeunni. Canuna Faboroneein- inae biinaaneein- Jesocurisito coreniha caresero cuhane netiin ichei aitoon, <sup>10</sup> cau cajinichaaïn caresero cuhane neein, Jesocurisito coreniha cacalabi rijijieein nena Onesimo belaaïne coina.

<sup>11</sup> Jauriaalute niq̄ui ichei chaque nelatelanaala, ii letononeein nelu Onesimo. Nete laen inae ena jiniiquiin cana rai jataain nelateinneein ne. <sup>12</sup> Inae nacoauneein jelaiha ii rene cauhane coina letoaanu. Atiin canu coaraaine rijijieein nii coaraain neeu. <sup>13</sup> Cana Coaunera ere beebejihane coreniha, cau caresero cuhane nihanune jaunne, iineeïn nena rijijieein canuhacha latei icharaneein nihane coina, cau canu aina nihane jereeun niq̄ui. <sup>14</sup> Nena jereneeine coataa ahane jereneeun. Nabana canu ii caje bajaanune jaauncha jereeine coataa, ii suujua caje coauneeïn jereeine jerichaaunne jaun. <sup>15</sup> Jerihane ena chabana satonoelanaala ii aina nihane coinatē, ii caje amuhin nelu- nii ii letono Onesimo. Nete inae naineneei ii letono siriine rijijieein siriine. <sup>16</sup> Raujiaain ii letono siriine amuritoheriïn, ii nejeraneei teein belaaïn coaraau. Jataaina belaaïn

coaraaun canu. Nete nii amuritoheriin joaenreein cacha rijijieein coaraelanaala, Cana Curuaanaa Jesocurisito coreniha, ii nejeraneei teein coaraaine caohachae.

<sup>17</sup> Aihane jaun canaacha esenetai coreniha ii nejeraneein canu coaraain neeine, nii canu coaraain neeine rijijieein acaentonai coaraain raau. <sup>18</sup> Ichei chatohaneein baaso ichaain, ichei rebequuin, naaonjoaain nihalune canu cobarau coreniha. <sup>19</sup> Canuna Faboroneein ichei aitiin caraajenihane caa laenaau. Nii ichei aitocooaunne rijijieeina, canu ichei coretereeuni. Nainichaaun niqui canu que ijiabereeo coreniha rebeoquine coaaucaunne. <sup>20</sup> Aihara canejera. Cojuriu Jesocurisito cachaneein nenea tochaneein caa ichei bajaanune rijijieein atiin ichaain, Jesocurisito coreniha canejeraneeine jaun canu suujua nunaau. <sup>21</sup> Canuhacha bajai amuritoheriin ichariquiin quere tonoraaine esenetaanune jaunne caa ichei aitiin laenaau. <sup>22</sup> Nii choae tacaainechu turuhanune jaanu rucuhequine jereun, caresero cuhane nihanune jaun, cacoreniha bajaabajaeequichene tonoraain, inara coaraa uhanune jererichaaain Cana Coaunerane cohajihanune jaun.

*Ii coaacuruha raotojoein neeu.*

<sup>23</sup> Jesocurisito coreniha caresero cuhane canu aina nenea Efaforasite ii coacue. <sup>24</sup> Chaen Maroco, Arisitaroco, Demasi, Locasi, naaonjoainuri canu coroatajaneraneein nenacaaurute ii coaacure.

<sup>25</sup> Cana Curuaanaa Jesocurisito jeelai amuritoheriin inara coroatajanemiin.

## **Cana Coaunera Ere** **New Testament in Urarina (PE:ura:Urarina)**

copyright © 2008 Wycliffe Bible Translators, Inc.

Language: Urarina

Translation by: Wycliffe Bible Translators, Inc.

Urarina [ura], Peru

### **Copyright Information**

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Urarina

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
b7ea44d4-3dbd-507b-9a19-256b56fe9b07